



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 30. december 2011

J.nr.: 01.31.06/11-00559

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/11-00559 pillugu pingasunngornermi ulloq 28. december 2011-mi aalajangiineranik Naalakkersuisunut ilisimatitsineq.

| | | | |
|--|---|------------------------------|---------------------------------------|
| Taarsigassarsiassatut inissialiortiternermut sunniuteqanngitsumik nuussinerit | neriorsuutit atorneqarsinnaasunngorlugit | atorunnaarsinneqartut | nutaanik missingersuutitut |
|--|---|------------------------------|---------------------------------------|

Naalakkersuisut **inassutigaa**,

- kontomi pingaarnermi 89.72.11-mi, Nammineq inissianik tapiissutitalimmik sanaartornermut tunngasumi, suliassamut nutaamut 999.37.124-imut, Neriorsuutit atorunnaarsinneqartunik kiisalu utertinneqartunik nuussinermut tunngsumi, aningaasaliissutit 38,633 mio. koruuninik ikilineqassasut, aamma
- kontomi pingaarnermi 80.00.10-mi, Sanaartugassanut Iluarsagassanullu Aningaasaateqarfimmit utertitanut tunngasumi, aningaasaliissutit 38,633 mio. koruuninik amerlineqassasut,
- kontomi pingaarnermi 89.72.11-mi, Nammineq inissianik tapiissutitalimmik sanaartornermut tunngasumi, suliassamut nr. 996.37.112-imut, Nammineq inissianik tapiissutitalimmik sanaartornermut 2011-mut tunngasumut, aningaasaliissutit 38,633 mio. koruuninik amerlineqassasut kiisalu tamatuma peqatigisaanik kontomi pingaarnermi 80.00.10-mi, Sanaartugassanut Iluarsagassanullu Aningaasaateqarfimmit utertitanut tunngasumi, aningaasaliissutit 2011-mi 38,633 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Nammineq inissianik sanaartornermut aningaasaliissutit nuussinissaq Naalakkersuisut suliame matumani qinnutigaa. Nammineq inissianik tapiissutitalimmik sanaartornermut pilersaarutit taamaatiinnarneqarsimasunit pilersaarutit ingerlasunut aningaasanik nuussinissaq qinnuteqaatigineqarpoq.

Siusinnerusukkut ima periuseqartoqarsimavoq taarsigassarsiassat neriorsuutit atorunnaarsinneqartut ukiumi pineqartumi taarsigassarsiassat neriorsuutit nutaanut tunniunneqartarsimasut. Nunattali Karsiata kukkunerisuisuata tikkuarpaa periuseq taanna isertitat aningaasartuutillu Nunatta Karsiani naatsorsorneqarneranni ilanngaattissat ilanngaatigereerneqannginnissaannik periusineqartumut akerliusoq.

Ilanngaattissat ilanngaatigereernagit periuseq qinnuteqaammi taaneqartoq missingersuusiornermut inatsimmi § 4, imm. 3-mi nassuiarneqarpoq. Tassani allassimalluni ”Aningaasanut inatsit ilanngaattissat ilanngaatigereernagit periuseq malillugu sularineqartassaaq. Aningaasartuutissat aningaasaliissutit isertitassaqarnerussutitut amerlaqataannut innersuussinikkut sinnerneqartassanngillat...”. Tassa imaappoq aningaasaliissutit ilanngaattissat ilanngaatigereernagit aningaasartuutit isertitatullu ilanngunneqartassasut.

Taamaattumillu konto pingarneq 80.00.10, Sanaartugassanut Iluarsagassanullu Aningaasaateqarfimmit utertitanut tunngasoq, aqcutigalugu aningaasanik nuussinissaq qinnutigineqarpoq.

Tamanna teknikikkut aaqqiinertut naapertuuttutut isigineqartariaqarpoq.

Suliaq Aningaasaqarnermut Ataatsimiititaliap siusinnerusukkut ulloq 90. december 2011-mi ataatsimiinnerani suliarineqarpoq, tamatumani aalajangiunneqarluni Naalakkersuisunut apeqquteqaqqinnissaq.

Ataatsimiititaliap apeqqutai Naalakkersuisut allakkatigut 16. december 2011-meeresutigut akueraat, tamannalu tunngavigalugu Naalakkersuisut inassuteqaataat akuersissutigineqarlutik.

Aningaasaqarnermut Ataatsimiititaliap aalajangiinera:

Naalakkersuisut inassuteqaataat siuliani allassimasut Aningaasaqarnermut Ataatsimiititaliamit **akuersissutigineqarput.**

Naalakkersuisut ulloq 16. december 2011-mi akissutitut allagaat, dok nr. 786274, ataatsimiinnermi Aningaasaqarnermut Ataatsimiititaliamit aamma oqaluuserineqarput. Akissutit nassiuunneqartut naatsuararsuartut aammalu Naalakkersuisut akissutaannut naatsorsuutigineqarsinnaasutut itisilerutaasumik ataatsimiititaliamut ilisimatitsinerunngitsutut ataatsimiititaliamit isigineqarput.

Ilaatigut tamanna tunngavigalugu ataatsimiititaliap apeqqutaanut akissutitut allakkat apeqqutinut itisilerutaasumik, tunngavilersuutaasumik tamakkiisumillu nassuiaataasumik siunissami ilusilerlugit oqaasertalersorneqartarnissaat Naalakkersuisoqarfinnut tamanut qinnutigineqassasoq ataatsimiititaliaq aalajangerpoq, taamaaliornikkut paasissutissanik piniaqqittariaqarnikkut suliamik suliarinninnermi kinguarsaaneq sapinngisamik pinngitsoortinneqarsinnaaqqullugu.

Aningaasaqarnermut Ataatsimiititaliaq sinnerlugu

Andreas Uldum
siulittaasoq